

Mientras cu a cancela accionnan di merdia y atardi

Polis y personal di Biblioteca Publico a protesta ayera mainta pa motibo di indexering

Invitacion pa reunion awe cu Gobierno a pone sindicatonan cambia nan plan

ORANJESTAD—E hecho cu Gobierno di Aruba a manda invita sindicatonan representando sector publico pa un reunion awe mainta, a pone cu varios accion di ayera a cai afor den oranan di merdia. Ta solamente e accionnan planea pa mainta a tuma lugar ainda cu ta polis, y personal di Biblioteca Publico.

E prome accion tabata di polis un biaha mas cu a bandona nan sitio di trabou, na pia di trabou mes pa 9 or ayera mainta y a haci esaki pa un periodo di 2 ora. Pa 11 'or caba e personal di polis a reanuda trabou. Bon Dia Aruba a compronde in oficial cu e intencion tabata pa den oranan di merdia, un biaha



mas polisnan bai den accion pa 2 ora atrobe, acompaña pa personal di migracion. Pero e dos accionnan aki extra a keda cancela pa evita cu e lo por dañá e ambiente di reunion pa awe mainta.

Mes momento a inicia un reunion ayera tardi 3'or entre tur e sindicatonan di sector publico pa dicidi si e accionnan planea pa awe, ta continua. Bon Dia Aruba a compronde cu lo tabatin basta accion planea pa awe, pero mirando cu Gobierno a dicidi di pone un reunion toch pa awe (les otro articulo: red) a pone cu e accionnan aki lo mester a wordo cancela. Por lo menos esei tabata e decision cu lo mester a cai den e reunion di ayera tardi entre tur e sindicatonan.